

# Serlah kehebatan konsep Malaysia Madani

Presiden Xi Jinping dan Perdana Menteri Li Qiang penangguhan projek Landasan Kereta Api Pantai Timur (ECRL) dan Saluran Gas Paip Trans-Sabah (TSGP).

Dr. Mahathir merayu Jinping dan Keqiang memahami dan membantu Malaysia menyelesaikan masalah fiskalnya. Pada masa sama, Dr. Mahathir mengkritik pentadbiran Datuk Seri Najib Tun Razak dengan menyatakan Malaysia tidak pernah menyaksikan kebodohan sebegini dalam merundingkan hal kontrak projek mega dengan syarikat RRC.

Lawatan rasmi kedua Dr. Mahathir pula menyaksikan beliau bersama 36 pemimpin dunia lain dijemput untuk berkongsi pandangan pada Mesyuarat Peringkat Tinggi dan Meja Bulat Pemimpin di Forum Jalur dan Laluan bagi Kerjasama Antarabangsa Kedua (2ndBRF) bertemakan *Kerjasama Jalur dan Laluan: Membentuk Masa Depan Bersama Yang Lebih Cerah*.

Dr. Mahathir juga melawat Huawei Technologies dan SenseTime Private Ltd. serta menyaksikan majlis menandatangani dua perjanjian persefahaman (MoU) membabitkan usaha meningkatkan kerjasama minyak sawit serta meningkatkan kerjasama dalam pembangunan kawasan

perindustrian, infrastruktur, industri hab logistik dan pembangunan berorientasikan transit berkaitan ECRL.

Dalam lawatan kali ini sekali lagi Dr. Mahathir mengecam Najib kerana membuat rundingan secara tidak telus ke atas ECRL sambil memaklumkan kerajaan meneruskan ECRL selepas ia berjaya mengurangkan kosnya daripada RM65.5 bilion kepada RM44 bilion sambil menyatakan tidak akan mendedahkan sepenuhnya perjanjian kerana perlu mengambil kira sensitiviti rakyat RRC.

## COVID-19

Di zaman Muhyiddin menjadi Perdana Menteri yang sebahagian besarnya dipenuhi era Covid-19, tidak ada yang terserlah dalam hubungan antarabangsa khususnya hubungan dengan RRC. Apa yang ada hanyalah kunjungan Menteri Pertahanan China, Wei Fenghe menemui beliau pada 7 September 2020 bagi membincangkan kerjasama dua hala antara kedua-dua negara.

Begitu juga di zaman Ismail Sabri menjadi Perdana Menteri. Yang mampu beliau buat hanyalah menerima kunjungan hormat Menteri Luar China, Wang Yi dalam mana beliau menyatakan rasa puas hati terhadap kemajuan hubungan antara Malaysia dan RRC. Pada 12 Julai 2022, beliau

menyuarakan hasrat untuk mengadakan lawatan rasmi ke RRC tetapi ia tidak berlaku.

Bandingkan semua pencapaian Dr. Mahathir, Muhyiddin dan Ismail Sabri dengan apa yang telah dilakukan oleh Anwar. Hanya empat bulan setelah menjadi Perdana Menteri terus beliau membuat lawatan rasmi berimpak tinggi ke RRC bagi menemui Jinping dan Qiang dari 29 Mac hingga 2 April lalu yang menghasilkan kejayaan luar biasa.

Ekoran lawatan ini, Malaysia meraih komitmen pelaburan tertinggi dalam sejarah berjumlah RM170 bilion daripada pelabur RRC, RM100 bilion daripada pertemuan Anwar bersama 50 pelabur berprofil tinggi dan tokoh korporat China pada sesi meja bulat, manakala RM70 bilion lagi daripada pemeteraian 19 MoU pada Forum Perniagaan Malaysia-China 2023.

Tidak cukup itu, kelmarin Anwar sekali lagi mengadakan lawatan kerja ke RRC untuk menghadiri majlis perasmian pembukaan China-ASEAN Expo (CAEXPO) Ke-20 dengan menyampaikan ucap-tama serta merasmikan pembukaan astaka pameran Malaysian Pavillion dan Sidang Kemuncak Pemiagaan dan Pelaburan China-ASEAN (CABIS) di Nanning.

Lebih mantap lagi, Anwar

juga menyaksikan pemeteraian tiga MoU bernilai RM19.84 bilion, iaitu RM15 bilion antara Citaglobal Berhad dan Shanghai Sus Environment, RM2.34 bilion antara PM Access World dan Beibu Gulf Port Group serta RM2.5 bilion antara Sime Darby Oils International Ltd. dan GuangXi Beibu Gulf International Port Group.

Sesungguhnya inilah kehebatan Anwar dan konsep Malaysia Madani. Beliau sedar RRC adalah sebuah ekonomi yang kukuh. RRC adalah rakan dagang terbesar Malaysia sejak 14 tahun dahulu dengan jumlah perdagangan sebanyak RM488 bilion pada 2022. RRC juga adalah pelabur langsung asing terbesar di Malaysia dengan pelaburan berjumlah RM55.16 bilion pada 2022.

Malaysia memerlukan China, dan rakyat Malaysia setuju dengannya kerana kaji selidik Merdeka Center pada 17 hingga 26 Mac 2022 menunjukkan 71 peratus responden mempunyai persepsi positif ke atas pelaburan RRC di Malaysia. Pada masa sama, Anwar tegas, Malaysia kekal bebas dan mengekalkan hubungan dengan negara lain seperti Amerika Syarikat (AS), Eropah, India dan Australia.

DR. Mashitah Mohd. Udin ialah Pengarah Institut Kajian Politik Malaysia (MAPAN), Universiti Utara Malaysia (UUM)